

**VENDIM**  
**Nr. 8, datë 4.3.2026**

**PËR LICENCIMIN E SHOQËRISË UJËSJELLËS-KANALIZIME KAMZË SHA**

Në mbështetje të nenet 13, 14, 15, 16 dhe 17, të ligjit nr. 8102, datë 28.3.1996, “Për kuadrin rregullator të sektorit të furnizimit me ujë dhe largimit e përpunimit të ujërave të ndotura”, të ndryshuar (ligji nr. 8102), VKM-së nr. 958, datë 6.5.2009, “Për miratimin e kategorive të licencimit dhe të procedurave për aplikim për licence” (VKM nr. 958), si dhe vendimit të Komisionit Kombëtar Rregullator nr. 29, datë 8.12.2009, “Për procedurat e dhënies dhe rinovimit të licencave profesionale për subjektet juridike e fizike që ushtrojnë veprimtari në sektorin e furnizimit me ujë dhe largimit e përpunimit të ujërave të ndotura”, të ndryshuar (Rregullore e Licencimit),

**KOMISIONI KOMBËTAR RREGULLATOR,**

në mbledhjen e datës 4.3.2026, pasi shqyrtoi dokumentacionin e paraqitur nga Drejtoria Tekniko-Ekonomike dhe Drejtoria Juridike dhe e Konsumatorit, mbi kërkesën e shoqërisë Ujësjellës-Kanalizime Kamzë sh.a. për licencim,

**KONSTATOI SE:**

1. Shoqëria Ujësjellës-Kanalizime Kamzë (UK Kamzë) me shkresën nr. 1344 prot., datë 1.7.2025, dhe plotësimet me shkresë nr. 2848/2 prot., datë 24.12.2025, dhe me shkresë nr. 209 prot. datë 2.2.2026, ka paraqitur pranë Entit Rregullator të Sektorit të Furnizimit me Ujë dhe Largimit e Përpunimit të Ujërave të Ndotura (ERRU) kërkesën për rinovim licence, për shkak të mbarimit të afatit.

2. Komisioni Kombëtar Rregullator (KKRR) e gjeti paraqitjen e kërkesës për licencim, për shkak të mbarimit të afatit të UK Kamzë në konformitet me kriteret dhe procedurën e parashikuar në VKM-në nr. 958 dhe Rregulloren e Licencimit.

3. Referuar kërkesës dhe dokumentacionit shoqërues, rezulton:

a) Shoqëria UK Kamzë ofron shërbimin e furnizimit me ujë dhe largimit të ujërave të ndotura për 126 000 banorë në Bashkinë Kamzë;

b) Drejtues ligjor i shoqërisë në vendimin nr. 102, datë 28.2.2022, “Për licencimin për herë të parë të Shoqërisë Ujësjellës-Kanalizime Kamzë sh.a.” ishte z. Gentjan Murataj, i cili në këtë aplikim është zëvendësuar nga z. Shpëtim Leskaj, i diplomuar në Universitetin e Tiranës në degën Kimi Industriale në vitin 1996 me mbi 30 vet eksperiencë pune. Ka qenë administrator i kësaj shoqërie në vitet 2019–2022, duke u rikthyer përsëri në të njëjtin pozicion në vitin 2024;

c) Drejtues teknik i shoqërisë në vendimin nr. 102, datë 28.2.2022, “Për licencimin për herë të parë të Shoqërisë Ujësjellës-Kanalizime Kamzë sh.a.” ishte z. Jurgen Ocelli, i cili në këtë aplikim është zëvendësuar nga z. Bardhok Alia, i diplomuar në Universitetin Politeknik të Tiranës, Fakulteti i Inxhinierisë së Ndërtimit, dega Ndërtim, me titullin “Ndërtim për civile dhe industriale”, në vitin 1994. Z. Bardhok Alia ka qenë inxhinier pranë shoqërisë UK Kamzë sh.a. në vitet 2015–2022 dhe më pas si drejtues teknik i saj, duke plotësuar dhe kushtin e VKM-së nr. 958 për eksperiencën në sektorin UK.

4. ERRU-ja, në vlerësimin e kërkesës për licencim, për shkak të mbarimit të afatit, ka marrë në konsideratë përmbushjen nga ana e UK Kamzë, të:

a) Kërkesave të ligjit nr. 8102, si dhe kuadrit rregullator në fuqi, në mënyrë të veçantë plotësimin e kushteve si aftësi tekniko-profesionale, aftësi financiare të nevojshme për të përmbushur funksionet dhe për të plotësuar kushtet e licencës, përvojën në sektorin e ujësjellësve dhe kanalizimeve të mjaftueshme për të marrë përsipër detyrimet që ka licenca, si dhe mbrojtjen e interesave të konsumatorëve, në lidhje me cilësinë, eficiencën, vazhdueshmërinë dhe garancinë e shërbimit;

b) Kërkesave të ligjit nr. 9121, datë 28.7.2003, “Për mbrojtjen e konkurrencës”, të ndryshuar (ligji nr. 9121), për moslejimin e abuzimit me pozitën dominuese në treg të ndërmarrjes veçanërisht në lidhje me kufizimin e tregjeve;

c) Kërkesave të ligjit nr. 9902, datë 17.4.2008, “Për mbrojtjen e konsumatorëve”, të ndryshuar.

Për gjithë sa më sipër, Komisioni Kombëtar Rregullator, pasi arriti në përfundimin se kërkesa e UK Kamzë është e bazuar ligjërisht dhe plotëson kërkesat ligjore të parashikuara në kuadrin rregullator në fuqi,

#### VENDOSI:

1. Licencimin e shoqërisë Ujësjellës-Kanalizime Kamzë sh.a. me NUIS L72320034A në kategoritë:

a) Kategoria A – Për grumbullimin dhe shpërndarjen e ujit për konsum publik;

b) Kategoria C – Për largimin e ujërave të ndotura.

2. Shoqëria Ujësjellës-Kanalizime Kamzë sh.a. autorizohet të kryejë veprimtaritë e licencuara me:

a) Drejtues ligjor – Shpëtim Leskaj;

b) Drejtues teknik – Bardhok Alia (për kategoritë A dhe C);

3. Zona e shërbimit të shoqërisë Ujësjellës-Kanalizime Kamzë sh.a. është Bashkia Kamzë.

4. Kjo licencë është e vlefshme për një periudhë 4-vjeçare.

5. Drejtuesi ligjor i shoqërisë Ujësjellës-Kanalizime Kamzë sh.a. detyrohet të nënshkruajë Kushtet e Licencës, brenda 10 ditëve nga data e njoftimit.

6. Ngarkohet Drejtoria Tekniko-Ekonomike të njoftojë shoqërinë Ujësjellës-Kanalizime Kamzë sh.a. për marrjen e këtij vendimi.

Ky vendim hyn në fuqi menjëherë.

Ky vendim publikohet në Fletoren Zyrtare.

**KRYETAR**  
**Gerta Lubonja**